ne le plus offencer, elle me dit ensuite quelle estoit preste de faire tout ce quil faut pour satisfaire a Iefus, de puis ce temps ie lay veue redoubler fes prieres et vit depuis 4 mois dans vne ferueur qui me furprend, ie ne peux mempescher de temps en temps en confiderant La maniere dont cette fauuagesses prend les Chofes de Dieu de dire en moymefme pouroit on en voir davantage dans les perfonnes Rfes. qui Commencent a feruir Dieu dans La gde. ferueur, Il y a plus dvn mois que cette feruente Chrestienne est dangereusement malade dvne Langueur semblable a celle qui fit mourir Lan paffé fa Sr. qui recut La baptesme vn moment auant que de mourir et qui donna Icy quafy les mesmes exemples de vertu dans 4 mois que nous donne maintenant fa fr cadette Agnes pulcherie ie ne fcay si Dieu ne veut point la Ioindre bien tost a sa Sr. et si ce nest point pour cela quil Lauance fy extraordinairement dans la faincteté elle refoit fa maladie auec La plus gde Ioye du monde et est preste a La mort comme cette Langeur ou elle est LEmpesche de beaucoup trauailler elle passe vne bonne partie de fon temps a LEglise et ne se Laisse point abattre comme le font ordinairement les fauuages malades, dabord que ie luy parle de Dieu ie la uois comme toute transportée elle mescoute dvne Maniere qui me fait paroistre quelle est touchée de Dieu elle a vn air humble point daffectation et quelques meschantes Langues quayent les sauuages ie nen fcache aucun qui ait trouué quelque chofe a redire dans La pieté de cette femme elle est mariée depuis 5 Ans et na Iamais eu le moindre bruit auec fon mary nommé fabien qui arriua icy auec elle dans de grands desirs lun et Lautre de se donner a Dieu